

GOBIERNO DE NAVARRA

PRESIDENCIA JUSTICIA E INTERIOR

ECONOMIA Y HACIENDA

RELACIONES INSTITUCIONALES Y
PORTAVOZ DEL GOBIERNO

ADMINISTRACION LOCAL

EDUCACION

SALUD

DESARROLLO RURAL Y MEDIO
AMBIENTEASUNTOS SOCIALES FAMILIA
JUVENTUD Y DEPORTE

CULTURA Y TURISMO

OBRAS PUBLICAS TRANSPORTES Y
COMUNICACIONESVIVIENDA Y ORDENACION DEL
TERRITORIO

INNOVACION EMPRESA Y EMPLEO

SEGURIDAD Y EMERGENCIAS

Funesen egingo dute Kanpoan diren Nafarren Egunaren XXIII. ospakizuna

Jai giroko ekitaldien programa bat antolatu dute Foru Erkidegotik kanpo diren nafarren topaketarako

Miércoles, 01 de junio de 2011

Datorren larunbatean, ekainak 4, Kanpoan diren Nafarren Egunaren XXIII. ospakizuna egingo dute Funesen eta, jai-giroan, Foru Erkidegotik kanpo bizi diren nafarrak omenduko dira.

Horixe iragarri du gaur goizean Alberto Catalán Higuera jarduneko Erakundeekiko harremanetarako kontseilari eta Gobernuaren eledunak. Harekin batera izan da Rosa Mary Ibáñez Zapatero Nafarroako Etxeen Federazioko presidentea, ospakizuna antolatu duena, eta Antonio Ulzurrun Jiménez Funesko alkatea.

Hauxe da larunbateko, ekainaren 4ko, ekitaldien programa:

8:00etan: Funesko auroroek aurorak abestuko dituzte.

9:00etan: Funesko dultzaineroen dianak entzungo dira.

10:00etan: Gosaltzeko, txokolate eta txurro jana egingo da Foruen plazan.

10:30ean: Kanpai-iraulketa

10:45ean: Desfilea egingo da udaletxetik Santiago Apostoluaren elizaraino, Funesko Udal Bandak lagunduta.

11:00etan: Meza izango da Santiago apostoluaren elizan eta Funesko Santiago abesbatzak kantatuko du.

11:30ean: Kanpai-iraulketa

11:45ean: Kalejira egingo da Funesko Erraldoiekin eta



Kanpoan diren Nafarren Egunaren XXIII. ospakizuneko kartela

Dultzaineroekin, udaletxetik Diputazio plazaraino.

12:00etan: Funesko alkateak ekitaldira hurbildu direnak agurtuko ditu Diputazio plazan eta suziria botako du.

12:30ean: Estampa Navarra taldekoek jotak dantzatuko dituzte Diputazio plazan.

14:30ean: Senidetasun bazkaria egingo da udal kiroldegian eta, ondoren, Trébole taldearen eskutik, kontzertua eta dantzaldia egongo dira.

18:00etan: Udalak antolatutako entzierroa egingo dute Peñalengo trokatik hasita ohiko ibilbidean zehar (Julián Gayarre kalea, Espainia plaza eta Azkoien etorbidea). Funesko Vicente Domínguez ganadutegiko zezenak izango dira eta Funesko Peñalén txarangak alaituko du ekitaldia.

19:00etan: Estampa Navarra taldekoek eta Funesko jota-eskolakoek jotak dantzatuko dituzte Diputazio plazan.

20:00etan: Kanpai-iraulketa

21:00etan: Zezensuzkoa

Horiez gain, egunean bestelako jarduera osagarriak egingo dira:

10:00etatik 14:00etara eta 16:00etatik 20:00etara: Kalesetan herriko kaleetan zehar ibili ahal izango da eta Alas de Peñalén granja eskola bisitatu. 10 minuturo aterako dira informazio gune nagusitik (mediku kontsultategitik) eta lekuak mugatuak izango dira.

10:00etatik 24:00etara: Diputazio plazan artisauen azoka egongo da.

10:00etatik 14:00etara eta 16:00etatik 20:00etara: "Villa de Funes" kanpoko I. Pintura Lehiaketako lanen erakusketa ikusgai egongo da. Lehiaketa joan den maiatzaren 28an izan zen eta erakusketa astelehenean, maiatzaren 30ean, ireki zuten.

Maiatzaren 30etik ekainaren 2ra, udalak Funes herria eta Peñalén troka ikusteko bisita gidatuak antolatu ditu.